

Bosna i Hercegovina
Federacija Bosne i Hercegovine
Srednjobosanski Kanton/Kanton Središnja Bosna

KANTONALNI SUD U NOVOM TRAVNIKU

Broj: 06 0 K 014624 21 K

Novi Travnik, 09.07.2021. godine

U IME FEDERACIJE BOSNE I HERCEGOVINE!

Kantonalni sud u Novom Travniku, u vijeću sastavljenom od sudaca Lazarela Porić kao predsjednica vijeća, Zuhdija Ćosić i Senad Begović, kao članova vijeća, uz učešće zapisničara Mironije Jozak, u kaznenom predmetu protiv optuženog Ćamila Hašić zbog kaznenog djela ubojstva iz člana 166. stav 2. tačka a) u svezi sa člankom 31. Kaznenog zakona Federacije BiH počinjenog u sticaju sa kaznenim djelom nedozvoljenog držanja oružja ili eksplozivnih materija iz člana 371. stav 1. istog Zakona, postupajući po optužnici Kantonalnog tužilaštva Travnik broj: T06 0 KT 0028257 20 od 04.05.2021. godine, nakon održanog glavnog pretresa u prisustvu optuženog Ćamila Hašić, branitelja optuženog Ahmeda Kulenović, advokata iz Travnika i kantonalnog tužitelja Nedžada Islamović, po obavljenom vijećanju i glasanju donio je i dana 09.07.2021. godine, u prisustvu optuženog Ćamila Hašić, njegovog branitelja Ahmeda Kulenović, advokata iz Travnika i kantonalnog tužitelja Nedžada Islamović, javno objavio slijedeću:

PRESUDU

Optuženi:

ĆAMIL HAŠIĆ, sin Rasima i majke Remzije, rođene Ćufurović, rođen 25.04.1994. godine u mjestu Ponikve - Velika Kladuša, nastanjen u [REDACTED], pismen, završena osnovna škola, živi u vanbračnoj zajednici, otac jednog malodobnog djeteta, lošeg imovnog stanja, Bošnjak, državljanin BiH JMBG; [REDACTED], lišen slobode u 23,00 sati dana 10.12.2020 god osuđivan,

KRIV JE

Što je:

1. U noći 09.12.2020. godine između 22,00 i 23,00 sati u mjestu Monjići-Sinokos, općina Novi Travnik, zajedno i po prethodnom dogovoru sa mladb. Šefkom Ramuljem, sin Dževada, rođen 15.06.2005. godine i mladb. Hidajetom Ramuljem, sin Muje, rođen 16.06.2005. godine, lišili života oštećenog Dževada Ramulj, sin Šefika, rođen 13.12.1969. godine, na podmukao način, tako što su po prethodnom dogovoru Ćamil Hašić i Šefko Ramulj iz kuće oštećenoga uzeli njegovu automatsku pušku, ser. broja AH 2590, caliber 7,62mm, sa pripadajućim okvirom i bojevom municijom, a za koje su znali da ih oštećeni posjeduje i koje su i ranije koristili sa znanjem i odobrenjem oštećenoga, i nakon što su predmetnu pušku stavili u PMV Opel Astra, zelene boje, slovenačkih reg. oznaka MB FG 507, te također shodno ranijem dogovoru, a kako bi obezbijedili alibi za svoje kretanje, sva trojica zajedno, oko 18,00 sati obavili posjetu porodici Sabahudina Ramulja, koji stanuje u njihovoj blizini, i gdje su se zadržali do

22,00 sati, nakon čega su napustili kuću Sabahudina Ramulja, te sjeli u PMV Opel Astra, te se uputili u pravcu mjesta boravka oštećenog, pa su iskoristivši noćne sate i smanjenju vidljivost, Ćamil Hašić i mlđb. Hidajet Ramulj, izišli iz PMV, te prišli do mjesta gdje se nalazio ograđen prostor (tor) u kome su bile smještene ovce i gdje se nalazila kamp kućica u kojoj je oštećeni spavao, te nasilno otvorili vrata kamp kućice, ušli u kamp kućicu, te sa razdaljine od oko 2 metra, Ćamil Hašić ispalio više hitaca u pravcu oštećenoga, koji je u tom momentu, bio u ležećem položaju i tom prilikom mu nanio pet prostrelnih rana, tri u predjelu glave i to prostrel lijeve strane lica i lijeve strane vrata, prostrel desnog slijepoočnog predjela i prostrel potiljka sa ulazom s desne stražnje strane, jednu prostrelnu ranu u predjelu grudnog koša u nivou pazušne crte, i jednu strelnu ranu u predjelu gornjeg dijela lijevog dlana šake, uslijed kojih je oštećeni preminuo, nakon čega su se dali u bjekstvo u pravcu vozila Opel Astra, koje se nalazilo par stotina metara niže i u kome ih je na mjestu vozača čekao mlđb. Šefko Ramulj, gdje su po ulasku u vozilo, napustili opisanu lokaciju, te se uputili u pravcu Rostova, mjesta Šenkovići tzv. „Petrove krivine“ gdje su odbacili upotrijebljeno oružje, a nakon toga se vratili kućama u kojima žive, u kojima su uklanjali tragove, koji bi ih mogli dovesti u vezu sa izvršenjem opisanih radnji.

Čime je počinio kazneno djelo ubojstvo iz čl. 166. st. 2. tačka a) Kaznenog zakona Federacije BiH u vezi sa čl. 31. istog Zakona

2. U noći 09.12.2020. godine između 22,00 i 23,00 sati u mjestu Monjići-Sinokos, općina Novi Travnik, suprotno odredbi čl. 8. Zakona o nabavci držanju i nošenju oružja i municije SBK, (Sl. Nov. 12/14, 14/14), držao i nosio automatsku pušku, ser. broja AH 2590, caliber 7,62 mm, čije držanje i nabavljanje građanima nije dozvoljeno, te istu upotrijebio u radnji izvršenja krivičnog djela ubistva oštećenog Dževada Ramulja.

Čime je počinio kazneno djelo nedozvoljeno držanje oružja ili eksplozivnih materija iz člana 371. st.1. Kaznenog zakona Federacije BiH.

pa sud, primjenom odredbe člana 54. stav 1. i st. 2. točka b. istog Zakona, optuženom Ćamilu Hašić za svako od počinjenih kaznenih djela utvrđuje zasebne kazne i to:

-za kazneno djelo ubojstva iz člana 166. stav 2. točka a) Kaznenog zakona Federacije BiH utvrđuje kaznu zatvora u trajanju od 16 (šesnaest) godina i 6 (šest) mjeseci

-za kazneno djelo nedozvoljeno držanje oružja ili eksplozivnih materija iz člana 371. st. 1. Kaznenog zakona Federacije BiH utvrđuje kaznu zatvora u trajanju od 4 (četiri) mjeseca

Primjenom ranije navedene zakonske odredbe o odmjeravanju kazni za kaznena djela počinjena u sticaju, te uz primjenu odredbi članka 42., 43., 49. stav 1., Kaznenog zakona Federacije BiH, kao i uz primjenu odredbe članka 300. Zakona o kaznenom postupku Federacije BiH sud optuženog Ćamila Hašić osuđuje

**NA JEDINSTVENU KAZNU ZATVORA U TRAJANJU
OD 16 (šesnaest) GODINA i 8 (osam) MJESECI**

Na temelju članka 57. stav 1. Kaznenog zakona Federacije BiH optuženom se u izrečenu kaznu ima se uračunati vrijeme koje je proveo u pritvoru počev od 10.12.2020. godine pa do upućivanja na izdržavanje kazne.

Na osnovu člana 78. stav 1. Kaznenog zakona Federacije BiH od optuženog se trajno oduzima automatska puška, ser. broja AH 2590, caliber 7,62 mm, te se istovremeno određuje da se ista puška ima uništiti po pravomoćnosti presude.

Na osnovu člana 202. stav 1. Zakona o kaznenom postupku Federacije BiH optuženi se obavezuje da naknadi troškove kaznenog postupka i troškove odbrane po službenoj dužnosti, o čemu će sud donijeti posebno rješenje, te da na ime paušala plati iznos od 100,00 (sto) KM.

Na osnovu člana 212. stav 3. Zakona o kaznenom postupku Federacije BiH oštećena Fata Ramulj se sa imovinskopравnim zahtjevom upućuje na građansku parnicu.

Nakon toga sud donosi

RJEŠENJE

Prema optuženom Ćamilu Hašić, sin Rasima, rođen 25.04.1994. godine, JMB: [REDACTED], nastanjen u [REDACTED], lišen slobode dana 10.12.2020. godine u 23,00 sati, sa ostalim podacima kao u spisu,

PRODUŽAVA SE PRITVOR

koji po ovom rješenju može trajati najduže devet mjeseci ili do nove odluke suda.

Zapisničar
Mironija Jozak

Predsjednica vijeća
Lazarela Porić